

多石先生集

癸未九月笏齋署檢



此本與存後齋集同是吳中舊物同
出潘公所藏丙辰十二月奉貽

沈氏先生以當遺念仁和吳昌碩病中記

王舍人詩集序

故中書舍人毘陵王君孟端自少以
聰敏聞好讀書喜吟詠而尤工山水
墨竹中更多故厄窮連蹇於羈旅道
路之間者十有餘年其後乃用薦以
善書選入翰林者又十餘年始得拜
官未幾遂以疾歿于

北京之官舍嗚呼其命矣夫君為人負

氣節狀貌竒偉襟懷灑落其平生於
人無所屈雖工於画遇知己輒縱筆
揮洒無所怯往往至於入神造妙有
不可於意或非其人輒白眼相視至
詬詈弗顧其為詩觸景撫事即形之
於言隨其興之所至情之所發初不
計其工拙而自合矩度其所著凡若
千篇君沒後若干年其長子陰陽訓

術默持以至

京師請予為序嗟夫詩之道大矣以其
時之高下世之治亂而音調見焉是
豈細故也哉古之人嘗因此以觀世
道尚矣君之生也幸際

國家無事泰平之時以得有官于
朝假之以年則其惕厲奮發見於和平
之音以鳴當時之盛者宜何如其至

耶惜乎其僅止於此也君諱紘孟端
其字其別號曰友石生又曰九龍山
人云

永樂二十年壬寅秋七月下泚

翰林侍讀學士奉訓大夫兼脩

國史廬陵曾棨書

友石先生詩集序

士君子以一長擅名於世必其苦心
焦思用志不吝乃能超出凡庸而造
夫微妙其有不經思慮而奇絕卓異
者則又天資之美學力之至而非偶
然也無錫王君孟端自多負瑰偉之
材遊學邑庠時鄉之先進若四輔官

周士平侍讀學士王達善長史錢仲
益教諭呂志學引禮舍人浦長源輩
皆以詩著名于時益端窮經之暇每
相過從倡酬賡和甚為諸公所稱許
尤善於繪事長江遠山叢篁怪石隨
意所適無不妙絕字書深得鍾王筆
意雖兼衆長然當揮灑吟詠之際援

毫立就未嘗見其凝滯也後被逮屏
處邊陲十有餘年而寓物寫懷發於
詞翰意趣益工以知者薦授中書舍
人玉堂儒碩咸器重之馬永樂丙申
以疾卒于官舍其子默哀輯遺藁得
詩若干首彙次成帙題曰友石先生
詩集將壽諸梓求余序之余自弱冠

與孟端交處雖中更契闊後復同仕
朝著情好尤深今孟端不可復作有
子表章其所著述以傳於久遠可謂
能繼志者矣茲承其請寧可以蕪陋
辭余聞詩以理性情貴乎溫厚和平
固不以葩藻富麗為尚也今觀集中
長篇短章春容爾雅無斧鑿痕而理

趣無至蓋其心志坦夷故詞語渾成
而不假於雕琢也然非學識之超邁
曷能臻於此哉孟端名絀友石蓋其
別號云

洪熙元年龍集乙巳仲春朔日

翰林院侍講承直郎吳門王進汝

嘉書

弘治元年歲次 月辛丑科
賜進士直隸常州府無錫縣知縣藍田榮華重刊

友石先生詩集卷之一

中書舍人錫山王綬孟端撰

白華美孝子也

彼白者華維色之潔彼美君子脩德孔哲脩德伊何
歆親之悅 彼白者華維色之純彼美君子脩德孔
仁脩德伊何以安厥親 厥親在堂既悅且安旨酒
稱壽室家相懽朝夕在斯外慕曷干 君子之行莫
先乎孝是曰順德有裨名教子孫百世是則是效

白華四章之六句

瀨水美仲琰也史仲琰能紹先志故美之
瞻彼瀨水其流湯之有美君子築堂于傍厥心孔臧
受天之祥 瞻彼瀨水湯之其流有美君子築堂于

丘厥德允脩受天之休 有澤可漁有丘可鋤我堂
我居先人之廬我樂我志先人之書 惟尔先哲積
善有基一于為善而無自欺爰及後昆乃慶之餘
後昆振々德鍾于門繼尔先志此心常存勗我敬哉
薄俗斯敦

瀨水五章之六句

五言古選

雜詩

鴻鵠志四海燕雀賀欄端四海一何遠欄端亦以
安扶搖豈不慕跡拘諒尤難鍛羽喧朝景安得追
風翰俛啄蕭艾間仰視天風寒斯舉咫尺何必
萬里搏撫已宜自養勿多身外干

其二

志鬱食哽咽情懽酒忘醉如何飲食間憂樂竟莫
類達人無不可一以理自會時序浸燠寒晨昏互
明晦苟能守吾中外惠布何慙忠信與薦敬乃足
寘尤悔賢哉子張紳吾當永為佩

其三

秋早露氣白初陽澹無暉羣鷄正亂叫棲禽猶倦
飛我行適中野躑躅烟路微蒼莽荆榛深零露霑
裳衣去之既寘懽惻之中心違素志諒難易知音
古尤稀側身復惆悵拂旦吾當歸

雜詩

楚人獻竒璞號泣足見傷宋愚得燕石十襲固以
歲至寶終自白瓦礫蹄糞墻遭時自重輕沒世誰
短長儀秦乃赫々孔孟徒遑々仁義迂闊功利
足富彊舉世已如此念之熱中腸

其二

雅樂古而澹其如世不好鄭聲何浸淫四座舞且
蹈感慨既異致善惡難類報禱天苦幽玄紛々媚
於竈所享苟非誠罪福恐顛倒立身豈無術理物
良有道曾聞舞干羽苗格罷征討

其三

淒風西北來時序屬秋暮林野何蕭條草木怨霜
露霜露亦何心大化運行故源史屈嚴冬堅冰日
凝馭蛟龍已沉淵蟄虫亦垤戶塗我林下屋裂我
機上市陽春望々遠薄言善調護

訪陳羽士道寧因贈

我生樂夷曠幽抱常冲虛偶客
京華塵不異林泉居時來訪仙侶相與論道書凝
神入無象妙觀天地初物我既莫立孰謂形迹拘
吹篳碧桃春天風動霞裾孤雲度碧落六合乃吾

廬出門感羣動役々將何如

雜詩

客有三代器寶之金玉重考制謂尊彝求形類餅
籛文款隱班駁光潤豈磨礱所嗟去古遠未足適
時用什襲雖珎歲棄置相伯仲縱有好竒者相看
為玩弄

題悅心卷

人生貴有養所養將如何惟以養吾心一善靡有
他俛仰苟無愧靈臺藹天和嗚彼夸毘人嗜欲何
其多兩養亦以異紛紛風波仁義譬葛藟千載
吾師軻

公子得野鳥

公子得野鳥來自虞羅中羽毛何燦々鼓音復嗚
嗚珎愛日為翫殷勤貯雕籠々々豈不貴勝彼荆
棘叢飲啄就左右乃足安微躬野鳥性難馴飛撲
九忡々比類思莫同永隔雌與雄孰知野鳥苦秣
悅公子容

為翰林典籍沈民則題樂琴書處

沈君構華軒歲書復歲琴書以載古道琴以傳古
音古人不可見唯此悅我心々々既自悅外慮俱
消沉涼生深竹淨日轉高梧陰弦誦苟世守奚須
滿籛全

送楊得昂

我適桑乾歸君猶五溪去飄流若萍蓬何由復相

遇迢々江上山歷々烟深樹後夜月明時相思渺
何處

其二

數載不相見一見驚復喜翻思兩地情音問隔千
里宿雨暗洲渚飛鴻度江水孤棹即飄然離愁又
重起

題秋菊軒

九月霜露零秋氣已云肅草木盡凋瘵而有籬下
菊粲々如有情盈々挹幽獨我欲餐其英采之不
盈鞠呼兒具鷄黍白酒正可漉素心二三人於馬
叙心曲陶然付一醉萬事亦已足咏歌柴桑詩千
載有餘韻

瞻雲軒

慈穎日已衰游子日已違路阻千里脩心逐孤雲
飛雲飛想其下輕陰覆庭闈何由獲終養日舞班
爛衣王事靡有程歲和曷言歸望々徒自傷暮景
西山微

為張生寫竹

生也纔弱齡骨氣已拔俗青衿三尺強對客瑩如
玉頗亦好清事揖我求寫竹我方困塵途懷挹苦
煩燠翰墨交久違硯破筆已秃憐渠意甚勤聊為
掃新綠生能會我心進益必宜薦切磋與琢磨更
請歌淇澳

味易齋為周叔訓賦

厚味人所嗜子獨味於道味道夫如何犧經日窮
討大而天地外細則秋豪杪所遇各有味咀嚼期
了至味不可言惟應自知好非苦亦非甘忘飢
復忘飽澹泊養吾神泰和沃吾抱長年味斯味兀
兀不知老掩卷坐忘言見此庭前草晴光宿雨收
遠色連天杳咄彼翦豸徒胡為養其小

澹雲巢大學士黃君嘗命僕作澹雲巢圖為

其尊翁某先生壽漢徵詩遂賦

有客居東山結屋山之隅林深藹芳潤清陰闕庭
除泊然入無倪與時相卷舒自名澹雲巢其志將
焉如雲以願後龍巢以產鳳雛及茲際
昌運嘉應良不虛鳳既上

阿閣和鳴向朝曦雲乃爛碧落昭回五絲垂詎學
巢與由負此

唐虞時

寫墨竹與

蜀府明長史贈別

相逢意方洽相別情尤難殷勤欲有贈唯此青琅
玕矯々蒼龍姿濯々丹鳳翰稟茲拔俗韻高拂青
雲端願言君子心冰霜同歲寒

寫竹贈王孟彬紀善

昔我王子猷襟懷淡而冲獨結此君好祢久情愈
隆不可一日無玕愛金玉同有竹輒宜造肯令通
主翁我亦抱茲癖豪繅託幽叢遐躅邈難繼與君

挹清風

寫竹寄贈顧教授祿謹中

秋聲起巫峽
暝色迷湘渚
悵望千里遥
佳人渺何許
幽期邈難值
欲往復延佇
中夜獨遐思
西窓颯然雨

寫竹寄琴士張逢吉

羨人昔相見
為我鳴瑤琴
初彈別鶴怨
復奏孤鸞吟
掩抑弄餘意
華堂夜沉沉
涼月照綺席
靈颯度瓊林
一與羨人別
令我憂思深
塵囂日盈耳
何由滌煩襟
我欲裁解谷
遠諧羨人心
六律既已調
嗟陽翕羣陰
羨人如見與
先此通微忱
相期洞庭野
共奏鈞天音

題成趣軒

乘麻日已長
稼穡日已成
門巷蔭榆柳
隔屋縑車鳴
生平寡營為
遂此田園情
衣食苦不乏
公賦尤寬平
舉家情欣々
澹然忘世榮
力作雖云勞
濁酒時共傾
豈意事高尚
所樂安吾生

盆裡黃楊

黃楊乃嘉植
岷蜀多產之
喬柯起百尺
小榦猶拱圍
作器不沾垢
櫛具尤具宜
故人有好事
全株遠相遺
厥高僅盈咫
徑不踰分厘
置之首當叢
何由別竒姿
况茲種來久
十易寒暑時
穎色固自長
茂何邊々賦
性恐或異
雨露寧有私
曾聞厄於閏
此理疑見欺
水土託盆盎
滋養良可知
嗟余久癖

冥對此心神怡親之若賓友愛護如嬰兒清晝置
書几良宵露塔堦時人為濯洒元氣猶淋漓叢葉
藹芳潤孤根高撐枝願言保貞操與世相推移村
良名斤斧曷用昂霄為唯應處岩壑庶可全天資
題清適軒
脩鱗泳深淵勁翮凌遙空命分不可易出處諒難
同達人會斯理委順安厥躬外嗜既莫奪襟懷澹
而冲蔡君夷曠士養素烟霞中軒居面湖水几案
羅羣峰開樽待明月展席延清風心閒體常逸神
完氣彌充惟以適所適寧煩計窮通吐吸夸毘人
胃進何忡人患得復患失外爰交心膏悵然慕高
躅無由得相從

琴室為林典樂賦

楫間揭寶翰床上橫玉琴對客未成弄令人先歛
襟地位近彤邸門迤幽且深瑤草露盈砌琪花香
滿林應知月明夜時有鸞鳳吟我來偶相訪簾垂
晝沉火為鼓一弄行宛見名軒心靈颺度餘韻祥
烟散微陰氣和體自適神靜心愈欽曲終莫敢問
訝是鈎天音

送秀才歸江右

京國久為客悵然懷故山孰云乏知己念親已頽
頽窮居恥明時曠違良獨難目思衣錦榮何如綵
衣班空江一鳥度遠道孤舟還分手復延佇極目
蒼茫間

送端木負外孝思養病歸漂上

都門已設祖冠蓋聚朋儔
讌別未云已騶從羅道
周大夫何賢哉寵被

君恩優為郎列仙署
美翰双登瀛洲
內帑出

賜衣太官具時羞虛懷戀

關心補報嗟無由
柰茲拈病質霜髮颯已秋
上疏
得

優許養病還舊丘
况

京甸咫尺溧水取
依農圃隣藹
未拓稠顏齡
尚可駐餘生得安休
悠然遂高志那復生離憂
於時正陽月霜寒水痕收
飄飄遠空雲浩蕩滄波鷗

私懷徒嘆羨逸駕安可留

題梅花

結心已鐵石陽春忽先布
致此瓊瑤英寧能慮霜
露澹然絕世綺幽人
襟襟度何如洛陽花池館資
貴富姚黃與魏紫綺麗相
許如春風闕重高車馬
日馳鷲遂令貧者心對酒
起遐慕乃知遊冶人誰
復重負素流澗古碣春殘
雪空江暮清香不自知
豈意人相傾

題靜庵卷為黃學士乃尊作

永嘉有高士簪纓藉名門
耆年際

昭代有子承

君恩絲綸慎所職密勿居
詞垣賞襄竭忠盡惟思濟

元々先生遂高志悠然樂田園種植森且繁芝蘭
滿階軒冲懷澹無慮隱几時忘言山光散餘靄水
色明朝暎自得靜者妙豈云厭塵喧

賜金屢歸奉日以供盤餐時々叙隣叟倒此花下樽
酒酣念

息澤一々相與論中心增感激永矢惟弗諼嗟我靜
中意乃有仁道存高風振千古里俗應弥敦

代作送卓民逸歸浙東迎養

憐君憶親苦我亦別親久千里隔庭闈孤雲幾迴
首君今得歸省而我尚株守惆悵送君行潸然淚
盈手春潮淙水船夜市蘭陵酒到家春未闌園林
正花柳風飄萊子服盃獻蟠桃壽此志君已遂此

樂我何有我亦欲效君末々如君否

題思本堂

吳生故鄉來相見出詩卷自言構新宇思本揭堂
扁所哀怙恃思造物苦多舛存亡既莫及固極情
難展徒懷風木悲對客淚常滋願言求名筆幽光
庶揚闡時々一披覽或俾哀悰遣嗟余久淹泊名
卑材復譎拒生固辭謝再四終難免嗟哉吳生賢
所志匪浮淺能存孝悌心悖理固應鮮惟恐人弗
思能思即為善况復思務本々厚支自衍慎勿事
虛文浮華肆詩演慎勿無益思感々徒悲惱所貴
在立身名揚身益顯殷勤為生言進善當自勉

蔡芝林為蔣公進求畫扇遂題

蔣君我未識好事能延賓從游蔡夫子是可知其
人謂我隘而介傲兀長居貧尚耽山水癖豪鱗掃
鱗吻一介不以取尤難輒交親片紙疇可得吾將
永為珎夫子為之請一々重具陳仍持君扇來求
寫湘江春我方習吾靜天將浩無垠適聞夫子言
笑落頭上巾丈夫貴知己誼合情使真尚能志吾
志寧謂非吾倫况聞君遠祖三迳招隱淪清風千
載餘遐躅君能遵漬筆一揮洒脩々見霜筠交加
林影間廟々月如銀時方涼雨歇齋居絕纖塵緬
焉懷二仲安能與之隣擲扇返夫子衣袂凌風振
為我先謝君羨酒宜多詢秋高月明夜直造君寧
嗔

主太常少卿雲巖先生

高巖何巍々卿雲日復聚孕秀鍾竒才靈氣藹寰
宇已聞追夔龍詎肯效巢許文章翊

昌運禮樂佐

明主陽回棘寺春月滿齋宮午尊榮位崇秩學力在
稽古自憐牛馬走質凡性尤魯雖懷問學心碌々
庸足數徒切瞻似墻無由造堂戶居然成涸鱗久
矣困焦土頓公岩上雲化作天下雨

寫竹贈廖紀善

霜風動高秋草木抱悽惻唯此幽篁枝含翠終自
得虛心養直氣勁節凌寒色持以贈君子願言崇
令德

為姚生顯終養堂

姚生羨昆季孝養怡親顏嘉味極甘有彩衣舞爛
斑慈烏堂下啼斜陽薄西山所思得終養區々百
年間百年復能幾離會尤相閑來日良可愛去日
難再還羨哉孝子心及時常追懼嗟余命獨舛怙
恃早已艱何由奉百年未得供一餐因君欲題贈
使我摧心肝

題萬安山樵

山高樵迳險山深樵迳迂采樵雖云勞覽勝尤足
娛飛泉落林杪好鳥鳴丘隅敬逐天風還身與閑
雲俱日夕行負薪烟深望吾廬得失既莫較孰知
賢与愚送哉朱顛富貴將焉如

題義方書舍

我昔童小時蒙養絕浮靡朝夕常趨庭頗解學詩
禮奈何纒弱冠早已失怙恃謨言何由聞定省不
復理徒懷風木悲沒齒殊未已及余生兩離將以
託宗祀既欲承箕裘當令業經史無何我多故謫
戍向邊鄙迨々父子心隔越數千里惟恐有存歿
不暇較賢否漂流無定居歲月動盈紀幸余初還
家無恙共驚喜踉蹌拜我前並立肩可比弱質雖
成人愚駭誠可耻大兒僅識丁唯足代耘耔小兒
復癡頑真乃豚犬耳近令親筆硯十日書一紙我
欲痛責渠隱忍輒中止吁嗟我平生父子乃如是
那君義方訓諸郎盡賢嗣芝蘭滿階庭玉樹映屏

凡歲時行具慶稱壽羅拜聽嘉賓每過從迎立具
甘旨傳家務淳厚動必蹈前軌瞻彼天倫間藹若
和風裡椿桂日敷榮雨露光凝七緬懷燕山寶今
昔良可儗所云陰德德諒亦自茲始推此家政齊
可致風俗美詩成數三嘆愧我曷能企豈惟頌君
賢尤當示吾子

題孝子曹鏞卷

曹君本右族乃是武忠孫孝義出天性解貌恭而
溫念昔父早沒而獨母氏存母子守清素終鮮弟
子昆窮居力弗贍藜藿供盤飧時有好善者有女
願與婚既以承祭祀復茲奉晨昏素何頗成立母
老病且殤迎醫及禱祈徒然自趨奔母病日已劇

惻之心憂煩於焉割其股調和煮成饌一啜病即
愈依然對庭萱後來病屢作夫婦相與言再三
剖肝聞者驚心視老天念其誠遂使母子完曾從
視其傷肌膚尚留痕母壽盡天年此心可無冤至
今問其故對客蔽猶吞嗟哉孝子心勇為過孟賁
殺身以成仁况茲罔極恩唯知母所重此身何暇
論世多不垂情貶議爭驚喧

聖朝崇孝治特為旌其門豈徒事獎勸要使薄俗敦
吾知孝義名千古留乾坤

閒居與沈脩撰小酌寫枯木竹石遂題

我本山澤臞棲身伴稚漁謬承翰墨選布衣登石
渠朝野孰云異依然樂閒居地位近

清禁事罕人迹跡遂令公宇中乃若幽入廬
上堦砌竹樹羅前除匪惟宜壺觴况茲有琴書文
會不待速朝夕與之俱俯仰皆自適此樂將焉如

題耕詩軒

出處既莫同趣舍亦云異君子適其宜窮達歸一
致世榮我豈薄先業非可棄復恐素心違蹇蹇同
顛躓耕田食吾力讀書樂吾志欣々一家親朝夕
寡憂慮俯仰自得外慕奚足嗜鹿門非求安南
陽豈忘世古人不可見惟將古心契

過沈脩撰留酌醉後書贈

旅跡無可往兀然生隱憂素性本簡拙出門寡綢
繆感君獨知己情真久交遊况茲相近居來往常

違留咲談散堦鬱盃酒屢勸酬供具即所有無煩
備特羞陶然各盡醉不忤亦不求人生契合難數
造君毋尤

題畫

芳春始云邁倏忽驚素秋志業獨未就歲月不我
留羈懷渺難託寫此林塘幽喬木蔭苔迳孤亭俯
清流悠然故園想詎敢為身謀含情委豪素庶或
宜神遊

雨中過歐陽編脩館題竹木畫上

我生本寂寞况茲久羈旅偶君素心人來注迭賓
主秋聲動高樹暝色渺烟渚孤館坐題詩蕭々正
風雨

題松鶴軒

吾宗有令弟，所志樂夷簡。載筆遊兩

京襟，抱常坦。自言外祖翁，素不治資產。平生有
硯田，耕穫同。渭濱揮毫健，羲猷伯仲固。無報前朝
雖薄官，名士交無限。所居有長松，蔚々張羽繖。上
有雙白鶴，對之怡歲晚。吳興趙公子，書價重圭璜。
為寫松鶴軒，騫翥龍蛇縮。翁今久仙去，往事不可
挽。軒居成丘墟，軒扁獨遺板。青松未化石，白鶴去
不返。追昔成夢寐，令人淚長潄。求君為寫圖，庶或
哀可剗。君當憫其情，不敢數催償。我亦重其請，不
復辭以懶。欣然為一揮，庭宇已蕭散。須臾點染成
高致，如在眼。急須潤吾筆，沾酒奉盃琖。九原如可

作翁亦笑而莞

為徐學正曦叔寄題其尊翁晚香卷

徐君素高尚，雅志難適俗。慕彼柴桑翁，種此籬下
菊。黃花秋正繁，白酒時可漉。一觴聊獨傾，三嗅仰
餘馥。有兒抱遺經，典教濂溪曲。迎養固靡遑，時奉
千里祿。較之五男兒，此事亦已足。何當結比隣，歲
晚相徃復。

寫画題贈蘇性初歸吳

我家住錫麓，君家住吳城。相去百里近，一日孤帆
程。君才日方茂，我髮日已白。相逢一笑間，共作
京華客。君今忽歸去，別我將晨征。懷哉舊猿鶴，寫
此丘壑情。丘壑不可戀，宜奮青雲志。良安三月春

沾酒待君至

五月蒙

賜衣五端

自知素寒劣謬忝列近

侍孰云載筆勤

清禁日無事

聖心念長夏

恩以締結賜感激既盈襟持歸復滿笥

愧光榮動隣曲喜色見僮婢服之固難忘無補獨深

偶成題畫

玉署坐涼旦野人忝簪纓謬以滌翰職遂得陪羣

英疎雨澹東旭嘉樹蔭西清樂茲館閣靜悠然抱
閑情於鳥弄蒙素澗谷紛縱橫幽迳遵曲岸鳴泉
遶孤亭回遊固未暇寓目猶可并非才惜何補生
幸承 休明

獨善堂為施惟政賦

窮達雖不同在我固無異獨善與兼善此道一而
二施君素高尚衡陽久藏器雖曾佐花縣牛刀聊
小試未幾即歸休自謂猶未至築堂面南嶽相高
爭氣勢講道通天人讀書飽經濟逢當達

天朝揄揚明至治不見有莘士躬耕豈忘世幡然一

旦起惠澤蒼生被君今已頭白

明時幸遭值願言發其蘊青雲舊高志勿效栖山人

林居事幽致

永嘉勝槩卷為黃太守賦

永嘉古名郡山水足清賞王謝舊登歷境在人已
往遺躅不可攀千載徒追仰黃侯來牧守政暇愛
西爽邀人繪成圖歷々如在掌嵐光樹蒼翠海氣
天沆瀣松塢出禪宮花汀隱漁榜桑麻接屋青機
杼連村響樓臺俯崇墉阡陌遍膏壤彷彿行春時
笙歌散輪鞅慙余繆迫籍深翰近
天仗披圖諒難即神遊起遐想

題畫贈李醫士士文

養病坐虛館何由制頽齡藥物固所賴奈此白髮
生撥舌聊自適寒慢當前楹涼風颯已至庭柯落
秋声天空暮雲遠日落遙山橫據懷託蒙素悠々
塵外情卷之聊遺君非敢侔報瓊

平易齋為李先輩賦

李君素聞道襟挹常坦夷富貴與貧賤此志終不
移蕭然一室中和氣藹春熙歷險思詭遇校之孰
為宜

重過劉竹深孟功

昨朝復今晨造君何其頻我来適我暇君喜良不
嗔話言有餘味所樂皆天真都城十萬家澹泊情
偏親

臘日梁脩撰用之以還家初散紫宸朝七字
為韻命賦七首還字

大化無停機寒暑如循環歲華忽云莫陽和亦已
還人生百年內憂喜互相關顧匪金石安安得長
朱顏達人會斯理意與雲俱閒聞道愧獨晚衰也
吾何歎

冢字

憶我童稚時鄉儻競喧譁自從別鄉縣歲歲天之
涯俯仰能幾時兩鬢忽已華今年在
京國臘蠹泛流霞酡顏發高咏悠悠與何賒
皇風無遠迹四海同一家

初字

寒旭上東觀殘雪明石渠嘉平錫華宴曉入承明
廬佩珂肅西清韶音間笙竽自顧草木同澤被

仁風盪孰知四序周正茲萬物初報
國之經濟白首徒嗟吁

散字

八蜡聞古禮臘日在茲旦迎祭思報勞貓虎禦田
患

鑿輿幸郊原校獵旌旗燦獲禽足練武震蕩妖氛散
上以共乾豆下以具賓饌時雍年穀豐河海永清
宴

紫字

十五初志學性頹嗜經史謀生計已踈豈復親耒
耜自期德業成拾芥取青紫中年遂蹉跎五十始
從仕扈從遊兩京伏臘已三祀寸勞不能效竊祿

抱深耻

宸字

瑶花已三白臘戌當茲晨田家願豐稔對此尤欣
欣歲功已云畢斗酒叙比隣共言足公賦擊壤同
堯民慚予不畊者承乏侍
紫宸素餐不見斥惟應仰
皇仁

朝字

我本山澤民浪跡隨漁樵豈意蒙齒錄置身事
清朝矧居翰墨場交好皆英僚歲時遇伏臘詩酒常
見招壯懷固浩浩白髮何蕭蕭醉來日雲漢寂默
神弥超

送炯竺菴之寧波都綱

師本學佛徒而我忝從仕儒墨雖不同崇教各鳴
世泝流求其原要亦無二致

皇朝設僧司統屬官府例自非名勝流此我良不易
師今預茲選領

命辭

丹陛都城雪初晴越水春將媚齋餘只翻經公退
但哦偈難忘

北關心廣演西乾意慚予老無成素餐糜廩終當
效季真共結方外契

為游伯瓌題靜觀卷

群動日擾擾何由止囂煩我心一以靜庶或澄其

源天高四山寂日落孤雲
寫至理無不在
朝市同立園君應領斯妙
吾亦忘吾言

贈友

君家住蘇城我家居錫縣
鄉里舊知名都門才識
面君當我筦庫我幸勤筆
硯退公無所為得暇輒
相見清玩常命觀芳樽
屢叨臨交情尚平易世務
摠諳練處靜惟端莊遇
劇即通變歎羨徒爾嘉懷
慚未能薦適茲代者至
復頌官選誰言九霄長獨
快六翮健扶搖良可期
惟恐迹和遠

送松溪宰周景辰調連城

君從松溪來又復連城去
宦遊若萍蓬流轉那能
住百年多遠別握手幾
催遇况茲當暮齡幽絕復

難慰都門一杯酒回首
知何處天南與天北相思
渺雲樹

病起寫山水圖謝張逢吉先生

少小時調攝動或違天和
迨茲晚年至疾疢宜其
多所念竊美祿置身在

鑿坡寸效未及施報

國將如何張君負奇術
垂情屢見過爰以慰微志
匪徒起沉疴日來力漸完
稍能矧庭柯殷勤理冠
履載振朝

天珂感德曷云喻銘心
久難磨揮毫寫山水持
奉意靡他山以崇令德
水以衍後波

題畫

衡門掩秋色苔徑淨無塵人跡雖罕至簡編良可
親脩篁度涼颼高梧落葉陰時應散幽室采藥過
中林

為王彥本題樂善堂

萬類既莫齊人生有賢愚所趨各異向所樂亦已
殊仰惟古聖哲動與道誼俱窮巷雖飲水寸心常
有餘出彼夸毗人多貪竟忘劬苟得適暫欣於踵
即憂虞吾宗有佳士近寓都城居形跡隱屠市心
志在詩書生業惟足用何嘗逞豐腴有妻主中饋
有子從師儒老之復幼之一家常晏如我適
扈蹕來相延過其廬新酒初發醅時羞問園蔬維時
春正好芝蘭滿階除累觴不知醉賓主情怡愉譜

牒未暇論亦足叙友于高堂扁樂善此語良不虛
酒闌袖出卷辭章揖我須我惟三槐澤今尚蒙沾
濡後裔能不墜其亦在子歟願言崇令德始終永
無渝

贈胡都給事中

都給事中胡君源潔文雅清慎志趣高朗
與予有同郡之好嘗自大江而上岷蜀由
關陝至于中原凡名山古蹟之間履無不
至今年邂逅

北京同宿寓所因得扣其登覽之勝聞見
之廣不覺令人鄙吝頓消而神爽飛越也
遂賦詩美之

皎：瑤臺鶴濯，冰霜姿宿昔有仙契於焉慕安
期翱翔歷蓬瀛飲啄來上池寸丹久已熟八表隨
一雨之靜與元氣并動與祥飈馳閃象莫可測玄珠
應自知乃令鷄鷲羣矯首徒嗟咄

寄贈任給事中時在武當山中

君本霄漢客降謫留人間人間不可住又復遊名
山彩霞約春衣瑤草映朝餐高風邀難及恨之心
所攀

和曾侍講古意

靡：風外花濯，路傍柳盈，馬上姝皎，出素
手揮鞭度南陌行人盡回首芳香襲和風船綵奪
目久轉盼睹他人百媚自成醜孰云君子配終恐

匪佳偶會合寧不懼別離恐難守懷哉羅敷言使
君自有婦

寄鄉友沈得淵

沈君非凡流宿稟尚高潔羨門注仙籍安期授真
訣偶然落人寰世味遍已閱混迹雖同塵心神乃
起絕蕭然一室內隱几常自悅時把玉簫吹
舞明月

中秋玉堂夜集分韻得灰字

素秋已云半緒風滌炎歎况茲良夜月清光湛層
霄玉堂有仙侶觴詠集英僚不以殘朽遺拾簡枉
見招頽然顧我影白髮何蕭，道同語自契意適
興弥超佳章比金石迭奏諧雲韶匪徒愜清賞所

樂際

昌朝沉之漏將曙遲之斗轉杓良會自忘寐詎謂永
茲宵

題喬柯竹石

涼風起東觀朝雨洒西清琅玕亞琪樹瑟瑟鳴秋
聲爽氣集几研逸興悠然生滌翰適餘暇聊茲寫
閒情殷勤欲持贈披玩久屏營多君熾無度素抱
幽人貞願言勵高節因此歲寒盟

題畫

高林俯清流小徑遵岸曲書聲松桂深知有幽人
屋索居非遜迹讀書豈不探義理發我蒙悅繹心
自是古人已云遠古道宜自勗捲卷三嘆餘江天

晚涵綠

閏九月王脩謨直宅對菊分韻得喜字送其
兄行敏

故人勞遠來所念在難弟以別忽相親安能不相
喜况茲值閏九黃菊正靡之撥英泛芳樽時羞雜
陳几匪徒叙友于簪纓集鄉里顧余忝同姓相愛
象見齒意洽形俱忘秩之循有禮既夕復秉燭觴
咏情難已天倫固云樂文會尤足美明河轉虛簷
零露襲華綺衆賓雖已散遲留獨未起明教理歸
棧離憂復茲始

暮上呂梁洪

黃河從西來萬里走濁渾呂梁乃故道勢若逸馬

奔我來趨

王程至此日已昏挽夫識予意駕牛乘夜喧灘回
石亂闕水與船相吞攀援一失勢轉眼不可存巨
纜雖云牢懷畏時自捫須臾際安流稍覺寧心魂
因之勞其勤斗米代雙罇汝勞勿復道吾儕賴
君恩

夢兩兒

兩兒別來久累夜夢何頗得非我念兒無乃兒憶
親夢中宛如昔田廬荒且貧猶能具雞黍為父抬
比鄰覺來尚征途渺然萬里身歸期固難必歸夢
諒非真願言各努力進善光前人忠
君我自勉孝悌兒當勤

五言排律

題徐訓導廷獻魁山舊隱

人品如瞻斗山名合應魁地靈知孕秀天賦肯淹
才筆陣驚同列文光燭上台高攀蟾窟桂勇躍禹
門雷已作鷓鴣化空令猿鶴猜經橫片泮靜琴弄
杏花開宦志雲霄待卿心歲月催黃殘松逢菊綠
遍石田苔若便尋歸駕移文恐勒迴

呈太常少卿高先生

禮樂推三代文章似六經應時明出處當世仰儀
刑賞誼趨宣室桓榮表漢庭青雲登棘位皓月映
旂聽大筆頻追謚豐碑屢作銘祝釐迎茂社贊祀
答穹靈

聖主加榮寵儒林慕德馨聲名騰宇宙黼黻佐

朝廷小子成樛樛明公擢德星朽材難切琢鈍刃

冀磨礪得照青藜火甘為白獬釘高山恒仰止鄙

業久荒寧詎敢思推輓何由乞建瓴鮒魚愁旱輟

籠鳥羨秋冥未敢升堂室深懷捧戶為可憐昏瞶

久欣親鳳凰翎

送趙僉事之福建任

鸞棲淹枳棘鷄薦出風塵重寄潘維任榮遷耳目

臣拜

恩辭

北闕僉憲入南閩驛路梅含笑都亭柳帶顰馬行

吳地曉帆度浙江春廳宇榕花合園林荔子新好

山供日詠列郡待時廷本在糾彈賊宜加撫育仁

威聲銷墨吏疾苦拯黎民佇聽廉明譽君無讓古

人

上邑宰韓相公三十韻

朝廷分郡邑守令戢羣英列宿即官象親民父母

情學能知大體志不在虛聲廉介寒冰絜襟懷夜

月明牛刀絕小試驥足暫淹程木鐸來東魯弦歌

亞武城下堂延德齒分俸給孤榮待吏如奴僕同

官若弟兄得人無不舉守節盡皆旌厚俗行鄉飲

矜農緩賦征薄徭猶念重疑罪必從輕懦弱皆能

立豪強莫敢櫻便期銷獄訟何必事笞撻退食親

琴瑟橫經難友生禮儀全考古動靜一於誠鬼泣

淫祠毀神歆正典行黷宮登俊又壇社潔牢牲蝗
旱隨時雨陰霾不日晴野人多頌德朝士素知名
百廢咸興葺群黎享太平市廛泉湧貨郊墅屋連
甍烟草人間牧花村犬不驚酒肴惟伏臘温飽樂
蚕畊獨嘆還家客常為守塞兵病軀來絕域悲涕
省先塋牢落傷弓鳥漂流泛海萍無因舒羽翼徒
切羨鯤鯨燕石終身誤吳絲上鬢繁年華留莫挽
志業苦無成安得除邊籍相容列下氓

題蘭蕙軒

陳氏好兄弟宛如蘭蕙姿幽馨殊可愛雅操不求
知但自我培好何妨采佩遲叢深滋雨露茁長滿
階墀芳澤傳先世香名達盛時和風同一室相對

兩怡々

送祖上人韶石住惠山

故鄉人到喜况是故鄉僧寓館纔相見歸途又欲
登杯浮辭建業鍾動下簡陵新領禪宮席单傳祖
派燈性圓滄海月行潔玉壺冰舊社高風振名泉
勝際增別情江渺々鄉思樹層々憑語烟霞侶塵
緣稅未能

友石先生詩集卷之二

七言古

過華叔瑞草堂寫晴雨竹壁上

諱恪號賓賜卒
年七十七

我愛君家遠城郭
統簷竹色侵簾幙
醉中揮翰寫晴梢
湘雲一剪春陰薄
看來頓覺風氣清
耳邊恍若聞秋聲
嘯歌到晚不歸去
高卧翠陰呼月明
高軒置酒延夕曛
眼前知己無如君
枯腸醉後有芒角
手揮高節凌青雲
圖成自覺精靈聚
素壁俄然儀鳳羽
擬得秋深直造來
剪燭連床聽風雨

溪山煙雨圖為包公愷寫

溪山茆屋知何處
隔岸青山暗烟樹
一棹誰兮路欲

迷緣流似逐桃花去嗟予落窳江海濱到今嬾欲問
通津因君扇底塗狂墨烟雨蒼茫一片春

為宣指揮題枯木竹石

脩竹娟娟淨如洗古木槎牙半空倚莫嫌怪石長蒼
苔當年曾中將軍矢將軍年少多奇勲平生意氣凌
秋雲他年太史書勲業汗簡須當用此君

吳姬留客行

吳姬年少絕十六能抱琵琶唱新曲愁連山黛鎖青
蛾汗透霞綃濕香玉問即今去宿誰家即須聽妾彈
琵琶吳城有酒不肯住巴姬未必顏如花遲留那得
情相與芳心一一絃中語空江霜落叫征鴻孤棹風
高響秋雨瀟更彷彿臨三湘切切哀猿堪斷腸巫陽

雲暗楚臺晚故山不見關山長彈到胡笳少三拍即
心欲去何匆迫挽即不住即過船滿江月色秋潮白

題枯木脩篁圖

老幹昂霄幾千丈天籟時聞夜深響一竿修竹共蕭
森復托絲蘿半空上寒姿久抱幽人貞良材孰肯摧
為薪摠令匠氏未相遇故山風雨年年春

早行索水

鷄鳴晨炊戒輪鞅閉門一點明星上路出長林不見
人煙深咿軛車聲嚮須臾日出氣象分往來行旅總
紛紛僕人笑指

都城近宮殿峇峩五色雲

為楮府高先生賦收雲歌

我聞黃初平牧石驚其元至今山中石尚作羝羊形
又聞蘇子卿風雪牧虜庭辛勤十九年猶持漢家旌
未聞牧雲誰氏子牧雲自號逃其名雲中所牧竟何
物以雲為牧何所憑比之牧石仙猶乃繫塵櫻意為
牧雲人足不到邊城但見長福叟候第傍人指是候
門英靜中默與元氣會雄談四座風雷驚端倪變化
竟莫測顯晦孰可知其情得非當年秦龍氏馴致神
物驅幽靈豐隆施鞭掣明電天吳出浪翻滄溟厥術
乃是厥德良可稱吾將薦之達

天府游

帝廷好施霖雨蕪蒼生嗚呼好施霖雨蘇蒼生

題張縣丞凝翠軒卷

張君結廬脩竹裏一榻清風淨如洗幾翻過雨看新
晴簾捲春陰落烏几自從作官今未迴家僮日掃林
間苔何當直造邊吟嘯不問主人毋見猜

少婦行

東家少婦年十五嫁得良人出為賈經年書到不言
歸肯念春閨別離苦西鄰年少猶空房紅纓白馬羽
林郎眼傳芳意已相密願作只棲鴛與鴛朝聞賈死
驚來訃暮奔已作西家婦六親蒙耻無光輝方逞妖
淫穠態度懽情得遂無幾時羽林從征須別離欲去
翻思疇昔事叮嚀恐亦還家連妾言勸郎郎勿疑妾
今貞守無他為可憐婦道真能盡去後郎心肯全信
為身紉度寫葡萄于雪洲之上曰賦叙別

我生負氣尤好奇襟懷抑塞蟠蛟螭屢遭屈折莫我
知向人委順長低垂偶爾逢君雪洲上酌我涼州寄
來醺醉傾墨汁為君塗一吐膏中氣千丈維時雨歇
涼風生薄陰零亂綠復橫熱龍蛻骨冷雲濕驪珠出
海秋蟾明土間觀者皆驚訝何由寶帳人間掛恐令
癡眼起貪心主者收葢始知盡知我知君能有幾此
術聊將遊戲耳白鷗湖海一身輕長揖謝君吾去矣

題青山白雲圖

我曾九龍山下住結廬正在雲深處日日看山還看
雲長教剪却當簷樹無端一別猿鶴羣馬蹄南北徒
為絃塵途底事拂衣脫迴頭愧負山中雲

贈竹隱

君家遠屋多備竹簷外時聞響寒玉雨歇林窓風日
妍春陰一榻侵衣綠閉戶常令俗駕迴從教三迳長
蒼苔予今亦有王猷癖直造休嫌數注來

倭扇謠

倭人繭紙摺為扇缺月生輝銀滿面

闕下年年多貢餘都人重購何紛如杭工巧黠思爭
利效倭為扇渾無異價廉百十人不快說是倭東方
道地倭來道便經杭州廉價却將抗扇收倭收抗扇
堪驚怪轉眼街頭高價賣買扇還家誇扇真街頭持
賣真倭人

倭人繭紙摺為扇缺月生輝銀滿面

闕下年年多貢餘都人重購何紛如倭言我扇不欲

利只欲人間古銅器器好年多扇亦多猶解摩挲者
款識倭能論器不論財等雷彝鼎填街未幾人懷金
不得扇手中無器空徘徊吁嗟古器日應少後貢年
年扇來好

送醫士張孟紅歸華亭

張君深得活人理白髮蕭騷垂兩耳顏面如童步若
飛自說平生能服餌

京都賣藥三載餘蘆垂一榻塵中忌榮名利祿不掛
口向人只講岐黃書曾聞舊業松陵曲井舊依然隣
二陸鱸肥秋浦尊正香虎卧芳林杏初熟今年忽復
思東歸海門一葉春帆飛到家尊酒作良會當時耆
舊今應稀都門柳花飛白雪欲折長條贈君別不知

此去幾時來我欲相從問丹訣

送潘知縣之餘干

潘郎年少才力強筆端五色成文章新承

寵擢宰山縣送別都門春酒香君今與我交雖淺志
業人生宜自勉此日牛刀聊試為他時驥足應須展千
里江添一帶斜餘干地沃多桑麻特清自喜少徭役
琴弄春風滿縣花

送傅子晦教授之興化

扁舟欲別之何處一官典教閩中去細雨榕陰面面山
薰風荔子家家樹憐君年少非常倫才賤人稱席上
珍覺館講餘清晝永玉琴閑弄杏壇春

贈朱編脩

朱君乃是青雲器讀書不負平生志向曾龍躍禹門
雷挑浪翻空應得意聲名籍籍動京華策對
明廷衆所誇鰲首已攀蟾窟桂馬頭還看鳳城花斯
文仰羨增光顯稱述猶存贈行卷鏗鏘金石韻相宣
遠大期君意非淺君今寵擢登
鑿坡玉樹花深響珮珂五色文章成黼黻九天光采
動星河嗟余久已聞英譽勢比雲泥固難會年年枯
死案頭螢四十無聞何足畏不期邂逅同
清朝菲才未免傍人嘲癡蠅附驥亦致遠託身願結
青雲交

挽徐母

平生嫠居冰雪清教子讀書名已成正期綠髮長

健俄聞凶訃人皆驚楊柳青青楊子渡江山依舊來
時路春風丹旆引歸航遺骸並葬良人墓

題漁樂圖

遠天雨歇明殘霞涼風颯颯吹蕪葭晚來隨處可棲
泊五湖烟水皆吾家得魚且覓津橋酒旋採溪毛雜
菱藕除着沙鷗孰可親隔蓬奩取隣船叟生計年年
一葉舟全家不識別離愁婦能斫鱸兒行盞一笛橫
吹萬頃秋

為東將軍題梅軒卷

我家舊業梁溪濱雪晴溪上梅花新瓊林皎皎映書
屋天然富貴誰言賣花時陪覺多賓友經月勞勞
事詩酒滿座香風半醉時一簾皓月微吟後自從

承薦遊

帝鄉十載者花白玉堂貞操久應心似鐵風流其奈
烏成霜今年扈從來幽薊撲面緇塵滿衣袂欲覓
梅花香莫聞江南驛使憑誰寄春到都城十萬家
管絃處處酸嘔啞不識冰姿尚清素只知豔質爭
繁華朝來雪花如手大興來不管貂裘破蹇驢鞭
策訪來安不似當時閉門卧弓矢森嚴樞馬喧羽林
期獵窮郊原見予一笑不復出呼酒且共登梅軒未
始栽梅向軒下高扁梅軒衆驚訝自說平生極愛
梅此地無梅僅看畫畫師乃是錢塘人西湖久與逋
仙隣曾作烏臺鐵面使筆端解寫梅花真嗟余久
在梅花思感戀

君恩忘歸計畫中纔見即相親分明一段家山意慘
澹枝頭雪未乾灑然清氣逼人寒君今與我心相
合莫厭敲門數借看

題中條舊業圖卷為主士烈大尹題

中條之山何雄哉層峰疊嶂高崔巍太行嵩少與
之相脉絡禹門鑿斷迥向中天開下有黃河水奮
激聲如雷波濤萬里接銀漢到此曲折其勢相縈
迴佳氣日磅礴孕秀多奇材寶藏百物不足貴往
往間出人中魁不見巖下士版築將終身寧知一
旦叶夢出大施霖雨康斯民唐有裴中立平淮之
功誰可及宋有司馬光文章事業何煌々至今行
人過關里景仰式車臨路傍吾宗有兄王士烈世

向山中營舊業數頃良田萬卷書父祖傳來今幾
葉父祖唯積善素無功名心到君尤加學問力長
年閉戶松桂林九經百氏貫乎一律曆地理俱精
深鶴書遠名來相尋小試百里彈鳴琴岐麥麩之
桑陰之黃童白叟皆謳吟近歲

皇家事陵寢北京山水明如錦堊師不下數百人
取驗求真口皆噤郭朴之術君所開天下山川指
掌間漢唐陵寢考分寸琅之一奏開

天顏之之悅懌恩加厚太官供羊光祿酒崛起長
陵北山阜有詔封山號

天壽海晏河清億萬年知君名與茲山久君今遷
居帝都駿馬蹴踏青雲途

聖明在上不可辜隨時正好陳嘉謨勿作尋常淺大
夫區之懷土胡為乎傳說諸君久已往空山猿鶴
空相呼白雲紅樹秋糝糊為君寫作中條圖古今
志士同一符君當解衣為我沽會湏一飲傾百壺
醉中與尔歌鳴之唾壺擊折青珊瑚中條佳氣無
時無嗚呼中條佳氣無時無

平胡歌

皇天父厭胡羶腥生我

太祖開大明一劍龍飛起淮甸掃蕩六合收群英胡
人遠遁莫敢停散處窮漠如殘星君臣上下俱已
紊紀綱倫理何由興往之跳梁肆兇害易置其主
反掌輕強弱互吞併彼此紛交爭長年彎弓冒霜

雪老稚轉徙心憂驚吾

皇聖德配天地惻然隱念其生靈覆載之內皆赤子
我不逐之孰與寧屢嘗遣使諭逆順彼乃驚桀如
被醜比來邊將出巡邏獲其所部俘于廷語言嘔
啞拜且泣以哀乞命涕泗零

皇心弘仁重閔惻謂其皆有父母妻孥情詔令有釋
解其縛遣人護送歸虜營冀彼蒙德化苗裔將東
庭寧知狼懷不可變拘留信使加諸刑慢恩背義
莫此甚聲言尚欲侵邊城非惟吾

皇赫斯怒聞者莫不思從征思從征擣胡穴啄胡腦
飲胡血胡命今欲盡胡運今已絕玉音警六師黃
鉞行九伐廟算通神靡有遺孺令嚴明誰敢越

兵百萬壓胡境如火燎毛湯沃雪胡山雖云重一
震將欲裂胡水雖云長一飲將欲竭我軍勇氣如
雲屯穹廬破散難生存旌旗連天白日慘金波動
地黃沙昏嗟尔渠魁何所奔悔不效順霑
天恩駝牛散失輜重遺糧裹披靡血淋屍瀚海雲
凝冰雪冷陰山日暮霜風悲嗟尔殘孽無所依悔
不效順先來歸

皇言用兵非得已彼既傾摧兵可止罪在天誅不可
容滅亡寔乃胡自取逆者懾我威順者施吾仁賜
衣給食各蒙惠苟能從化皆吾民皆吾民胡無人
封山川布維新熙々萬物皆陽春陽春沛澤被八
荒中天日月增輝光班師布告整戎行鏡歌凱奏

夾道傍翠華南還五雲鄉金闕燿威鳳翔冕旒
端拱開明堂萬國入賀聲洋洋飲至行賞醉瑤漿
文恬武嬉珂珮鏘梯航職貢來遐邦

大明基業何煌煌周宣漢武不足方至治熙洽超虞
唐臣竊自愧才匪賢叨榮翰苑書金箋快覩滅胡
非偶然喜躍拜舞呈詩篇詩篇效雅頌願與金石
宣

帝業廣大誠如天武功文德斯兼全垂教立法世永

傳

聖子神孫億萬世世享昇平億萬年

月夜舟中酒後寫呈胡祭酒兼同行諸公
官船沂河明月夜千里河流金液瀉水拍船窓月

在天月色波光兩相射此時清興不可遏須待壺
觴共陶寫行庖美味雖云重更覓溪鮮問漁舍蠓
螯初肥良足珍霜餘梨棗甘於蔗同行况復皆賢
豪襟懷豈是尋常者胡公一代大司成文章聲譽
追班馬延陵給事錢塘客每出新詩擬風雅東陽
兄弟居翰林一雙白璧千金價林黃二子才更奇
往々醉章凌鮑謝雲間尤喜紫陽孫筆底龍蛇衆
驚詫一時會合非偶然共沐

恩光來日下霏之珠玉動生風濟之衣冠儼成畫嗟
余年少嘗好遊臨水登山日無暇時當有月達旦
飲典衣肯顧山妻罵年來老病不復飲每見深杯
輒生怕不知今夕是何夕狂態依然莫能罷酒闌

興盡不復散共向船窓相枕籍
湏臾月落水自流
斗柄低回柁樓掛騎鯨
李白遠莫攀夢鶴坡翁以
仙化人生所貴在適意
塵慮何湏苦繁罍燈前謾
爾寫長謠留向他年作佳話

題竹送周以莊之長清宰

故人別久緣相見又拜

恩光宰花縣去思匆々不我留
都門沽酒徒攀餞我
有五色之彩翰為君寫作青琅玕
虛心慣承雨露
重高節豈畏冰霜寒
此意贈君々達否清風雅操
君皆有君到長清轉覺清
不湏更種陶潛柳

題竹寄長清胡判簿仲文

胡君倜儻情見真昔曾同客

京華歷一官去作長清簿
吏民懷惠如陽春
別來不覺經年久
愧我蹉跎空白首
為寫清風慰遠思
殺勒致問平安否

題錫給事中畫

獨立空山不知老
崖石相依共相保
月影秋清舞
瘦蛟風聲夜半驚
栖鳥銜節盤根怪
且竒古翠滿
身苔蘚滋
匠石自知難入眼
年々春雨長孫枝

題帥將軍壽椿堂

我聞南華老仙所談之靈椿
長年度世殊可人
爾來萬有八千歲
方乃一秋兼一春
桓々帥將軍忠
孝孰可倫
緬思此椿壽
將以奉嚴君
嚴君乃是
先皇之虎臣
英姿雄畧如有神
起家昔住荆溪濱
曾

同周處為比隣惟將三尺劔掃淨六合塵
先皇騎龍上蒼昊攀髯不及空逡巡至今心尚赤其
柰駿如銀將軍襲爵尤忠勤遠持節鉞鎮八閩列
鼎之養何足珍唯思種椿構堂怡其親君不見椿
枝長茂椿葉重堂前人對椿陰濃靈根蟠結託厚
地高柯直上摩蒼穹蟠桃見之猶屈膝喬松並之
應歛容况茲顰眉揚柳低頭榕世間凡木莫與同
嗚呼世間凡木莫與同唯應孔明廟前之老柏千
古萬古可與相爭雄

聚玉堂為吳主簿賦

君家子弟追王謝玉樹森々滿庭下器美難容韞
積歲才高應得連城價堂前見客温且扣德義

宜更琢磨逢者懷寶聯班出南陌珊珊響珮珂

題北堂春晝卷

堂下萱花照人目堂中阿母顏如玉寸心難以答
春暉手線尚存遊子服遊子白雲空復情年來從
宦留

神京他時得請當歸省問里應看晝錦裝

題徐進士崑山讀書卷

徐君結茅雙峴峯白雲掩護青林中十年閉戶不
肯出讀書捲幔來松風一朝射策

黃金殿青霄萬里鷗鵬翼躍馬晴看紫陌花鳴珂
曉入瓊林宴只今祿食居

京華籍香名衆所誇不獨身霑新雨露且能光

貴舊烟霞愧我萍踪遍江海百事無成髮容改數
卷殘書久已忘舊物惟留短檠在年來感荷
君恩優日令揮翰居瀛洲姓名自謂登仙籍人笑馮

唐已白頭

題黃庶子瑞菊軒卷

紫陌朝回鳳城曉羅衫冷怯霜風早軒前佳菊吐
奇花合萼連葩向人好陽光一照色更鮮盈、兩
臉胭脂妍同心可比連理木清香絕勝雙頭蓮簪
纓列坐皆僚友噴看來嘆希有宜將絲筆寫新圖
持歸遠為雙親壽由來種德生賢郎家庭晚景何
輝光絲綸日掌侍
清禁阿閣五雲儀鳳凰物因人瑞皆泛類人今况

與

明時會乃知

聖主得賢臣茲花亦是

皇家瑞

送永嘉趙惟善之

北京司倉

趙司倉初辭

關一鞭遠冒燕山雪燕山雪滿河水結酸風刮面
肌欲裂長安沽酒與君別酒酣不覺雙耳熱鳴、
作歌、激烈煩君為我同擊節試看昭王臺黃金
致英傑黃金散盡臺已空至今士氣何曾歇幸茲
際

昌期沈淪盡迢越班資正為賢才設况君年芳才
更哲鵬化南溟十萬程君今始上青雲轍肯為日
女情臨歧動悽切丈夫要使心如鉄江南梅花
君折路長勿使音書絕兩地相思共明月

題畫魚

上池生綠水初泮暖逼小桃紅欲半纖鱗猶得泳
恩波何異鯤鯨運溟瀚變化逢時底用媒相忘藩
藻且徘徊為龍聞說勞行雨祗恐禹門雷電催

送張知縣邦達

我初長安識君面四十才華正強健北海雲鵬翅
欲張南山霧豹文初變自言來
京已三載足跡勞之半郵傳東浮浙水駕風濤西

上蒼梧躡雲巘懷中無復茂才金身上空餘慈母
線別去無何忽相報近得高閑適安便乃知優給
有庠序擇師教育君膺選絳帳三間坐百人青衿
一字教千遍三畧繞過又六韜終日吾伊不知倦
吁嗟天意諒有在有美如平豈貧賤今年

詔下大搜賢公論推君當黜薦扶採直上試天官一
策敷陳雲錦絢賞音不獨主司驚噴之旁觀盡稱
善綠綬初垂何所之獨向炎方宰花縣炎方近年
無瘴癘民物安然樂豐羨遠繳尤宜寬政施

皇恩有待仁風扇此行所重民社寄臨別肯為兒女
恋秦淮弱柳垂青之折取長條共攀餞沙口帆移
燕語留花前酒續鶯聲勸明朝應度嶺頭雲千里

相思一回。曉暹子三年政績成。還來此地重相見。
意欲曾為馬援珠歸囊。肯帶包公硯。驥足應知難
久淹。嘉聲又達

明光殿

題王將軍梅雪軒卷

襄陽耆舊孟浩然。雪中騎馭華吟。有西湖處士林
逋仙梅邊引鶴烏。帽偏二子寒酸無所托。遂與梅
雪同清妍。將軍執銳常被堅。奇勳要使彝鼎鐫。雖
象優擢入衛尉。可容梅雪相留連。我知將軍非泥
此朝市。乃欲知林泉。况今四海同一天。無勞萬里
橫戈鉞。雅歌授壺分內事。孰謂梅雪非我便種梅
五六株。構軒數十椽。花時雪霽江月圓。香影滿庭

冰玉鮮時。退直得清暇。開軒命客烹肥羶。從教
曲奏譙樓角。任取寒生玉帳氈。梅以供鼎鼎雲以
呈豐年上祝

天子萬々歲。歲歲陽春生意全。乃知將軍愛梅雪。寒
酸之士正爾霄壤懸

題撥棹軒為叔敏賦

長年耕鑿東臯阿。結得草軒如草萊。栖身僅足蔽
風雨。抱膝猶能發咏歌。窓外鳩鳴花霧重。門前犢
卧柳陰多。嗟予以作

京華客未得。歸曰柰尔何

送深上人湛然遊方

我生憶當年。少時清狂縱逸誰能羈。杖頭百錢一

酒布襪青鞋隨所之不肯低頭學干謁每向名
山訪幽絕片帆晴度湘江濤足馬寒衝薊門雪黃
河西來一帶橫岷江東下連滄溟望中惟覺隘寰
宇物外尚欲登蓬瀛年來老倒渾無用疾氣攻身
常隱痛稍因休暇輒欲眠並舍相呼懶行動矧茲
感荷

君恩深優容散逸居詞林私懷固有尋山約激切難
忘戀

關心雲水烟霞應宿好靜自尋思還自笑至今天
姥與匡廬清夜猶能夢中到深師乃是學佛人與
予似有三生因嶺上孤雲久為伴天涯片月長隨
身清容磊落蒼崖石破衲爛斑雜繒補不惟潭底

解降龍纔遇山深即馴虎初從雲中登五臺淮流
杯渡江雲開少林長蘆雖古刹叢林須向

京都來京都諸山遍遊矚猶能過我蓬菴宿對榻
聽殘上苑鍾論詩剪盡西窓燭相看身世捨忘機
水自潺湲雲自飛師利遠尋居士室大顛留却史
君衣無心偶尔欣相遇又復飄然拂衣去問師此
去遊何方多半名山我遊處大江南北瀟東西是
處堪行路不迷試覓名山最奇處石間多有我曾題

送知府之廉州

廉州作守六載餘懸知撫字常勤劬土風自古少
耕稼民業至今多採珠歸路懽迎竹為馬公庭示
辱鞭施蒲他年太史論循吏惠政應推君最殊

過梅花室

我曾泊棹西湖濱千樹萬樹梅花春孤山月照一
蓬雪十里湖光如爛銀興豪對客酣清醪達旦麇
吟騁雄健燈前索紙呵手題霜兔鍛鐸冰滿硯年
來浪迹隨西東看花多在驅馳中縱有香醪對明
月渾無好興酬春風只今書劍來

京國欲訪梅花香難得亭館多哉遲艷姿山林誰
重凌寒色春來未幾薄雪餘寒馱偶過西城隅疎
花寂歷三五樹中有一室幽人居室中幽人廣平
後旅寓者花為我瘦窓橫古影神愈清盃吸寒香
骨應透相逢休言一事無隣家有河湏賸沾趁取
樓頭未吹角莫教地上魚鱗鋪我因看花狂興發

花應笑我生華髮曲逆長貧豈足論馮唐已老誰
能拔憐君與我同襟期看花酌酒情相宜百年一
任世所棄寸心獨許花相知我家君家隔江浙一
水相通吳與越此夕何妙對榻眠夢魂還醉西湖月
長詩一章羨韓侯也侯宰無錫多善政復以
擇禦有功遂陞州守之秩行且有日鄉人王
昶會予京師能具談侯德予辱知遇尤深
弗得師預攀轅之列敬用次第昶言賦成長
詩五十韻使邑人歌之竊比甘棠之詠云耳
有客黃昏來寓邸扣門吳語知鄉里肅容升堂拜
拜餘袖出平安書一紙上言間閭苦憂思下叙寒
溫詢動止燈前雞黍款客嘗品味無兼嗟客裏酒

酣詢訪悉鄉閭祇說滯侯政聲美自從侯初下車
日務敦朴厚消浮靡勸民衣食務農桑游食咸驅
業耘耔西風阡陌涼雨晴黍稷盈疇光藺七日斜
村巷歸牛羊霜老園林熟梨柿每歲春秋社祭餘
親率吾民行飲禮推崇有德尊高年一酒行躬
拜罷賓主從容酬獻間觀感人、良有啓時因公
暇入庠舍左右琴書坐凭几諸生濟、趨上堂問
難執經窮至理遂致吾鄉孝弟風敦睦夔非他邑
比縱有克頑亦革面訟庭罕見施鞭捶豈獨強梁
化柔順坐使妖魘絕淫祀寸心既正天弗違兩賜
任意如願指事神治民各盡心實以一廉先律已
處心寬仁復明恕皎若日星清似水况復尤長捍
遭破燬

禦功文武全才孰能擬象緯今年示灾變天兵抵
剷除艱宄雄師百萬絕渡淮敗卒南奔散如蟻却
來川縣事劫掠行旅道邊相枕死頓使前時革面
徒舊惡乘風亦羣起白晝揮戈肆仇殺闔空連村
遭破燬

聖皇戡亂已登極如日行空正天紀
詔書馳布宣至仁此輦倡狂猶未已侯言我職當字
民塗炭吾民能坐視協謀僚竊集吏卒爰正戈矛
張弓矢奮身鼓勇當衆先盡獲渠魁磔諸市從此
居民始貼席老稚欣、免驚徙且今無恙共相見
不得我侯安得爾事定侯來達
上聞奏功特啓

宸衷喜錫賚榮須品秩尊縣令喬遷州刺史只今催
上去有期無計攀留嗟失恃徒切甘棠去後思撫
字情親恩浹髓我聞客言興嘆嗟始信學優才可
仕憶予前歲初還家舊業荒蕪沒荆杞亦曾脩刺
謁侯堂一見下階蒙倒屣謬承獎諭勉前脩不以
孤寒輒相鄙延來別侯已三載雅論洋、猶在耳
會侯來

京我入蜀彼此參商乃如是感侯知我情更深聽
客之言良有以古云卽官應列宿益信斯言非謬
矣百里民心有休戚政閑令佐人臧否嗟我韓侯
能惠民政聲足與龔黃齒願言守令皆韓侯克舜
吾民立堪俟侯當此去不冉留發軔青雲自茲始

客還為我深致辭攀餞無由身絆此山斗區之景
仰情作詩頌侯煩送似

駙馬公命寫枯木復戲題于上

歷盡冰霜甘老朽不作嬌柔效花柳夜撼風聲鳥
雀驚涼生月影蛟龍走嗟予好奇成畫圖墨痕猶
帶烟模糊寄言匠石勿相顧未必良材眼底無

寫墨葡萄

香墨濃翻研池汁眼前零落秋雲濕曾看月上海
天高水冷驪龍抱珠蟄何當釀得酒如川日醉北
窓高枕眠底羨涼州二千石題詩日寄瀛洲仙

題胡學士從叔祖母曹氏死節卷

此身所托惟良人良人云亡安用身未遂生前與

借老宜從地下長相親事關生死豈不大心全節
義惟其仁貞魂雖遠愈不滅銘文炳煥留堅珉

端午賜觀騎射擊毬侍燕

葵榴花開蒲艾香都城佳節逢端陽龍舟競渡不
足尚

詔令禁籞開毬場毬場新開向東苑一望晴烟綠莎
軟萬馬騫騰鼓吹喧五雲繚繞旌旗展羽林年少
青綸巾秀眉豐臉如神人錦袍窄袖巧結束金鞍
寶勒紅纓新紛紜來往尤迅速馬上時看戲馬腹
背挽雕弓金鏃鳴一箭柔條碎新綠忽聞有

詔命分朋毬先到手人誇能馬蹄四合雲霧集驪珠
落地蛟龍爭彩色毬門不盈尺巧中由來如破的

劃然一擊電光飛平地風雲轟霹靂不知何以能
尔為慣曾夷虜張天威鬼神變化妙莫測此技乃
知聊尔嬉

聖心樂此重閱武逸不忘勞在戎伍幣幣鮮華亦
陳馳騁許教便捷取自矜得雋意氣廉萬夫誇羨
聲喧呼縱金伐鼓助喜色共言此樂人間無

駕輿臨幸

天顏喜醜賜千官醉蒲醑光祿尊開北斗傍簫韶樂
奏南薰薰裏微臣何幸遭

盛明清光日近多

恩榮呈詩敢擬長揚賦萬歲千秋頌太平

青雲軒為項御史題

君家高軒絕塵歎知君逸氣長飄之謝却山中白
雲侶來尋天上青雲交蛟龍相從作霖雨鸚鵡每
共摩晴霄丈夫如此真自快好將志業崇

昌朝

送鍾子勤之南京復職中書

天寒幽薊漫山雪弱柳蕭條不堪折考績終者
上國來離筵又向都亭別別騎南征逐去塵長安
紅紫正芳春也諸老應相慶官喜如初

寵命新

為劉竹深題雲山圖

白雲縹緲山峯幾幽人茅堂巖澗阿玉田瑤草暖
烟碧落花流水春風和采松釀酒正堪醉掃石弄

琴還自歌何當結隣成兩叟杖藜日日頻相過

題畫

結屋千山萬山裏軒窗四面峯峦起捲幔晴招嶺
上雲烹茶夜汲巖前水二三高人同素心杖藜時
復來幽林抱琴相坐亭上一曲雅諧山水音屋
頭隙地肯相許願作比隣共相處賸採松花釀玉
醪更覓黃精斲春兩

騶虞歌

景星輝問闐開五雲紫騶虞來嗟哉騶虞豈偶然
而來哉大化賦其德大塊成其材觀首虎軀雄見
魁玄文郁々素質白爛然雲漢同昭回其動也不
疾而速其靜也不猛而威不肯食生物復生草虎

厥百獸日與相追隨嗟哉駒虞必應
昌期而來歸始吾

皇之御極号出于陽翟之大野今吾

皇之時巡号又見于曹邑之林隈寔由吾

皇盛治之所致德合堯舜之無為順四序平三台五

風十雨阜民財嗟哉駒虞乃得於此時遊于

帝鄉而徘徊入靈囿近瑤臺麒麟相侶角端為儕文

犀白象相參陪萬姓乃畢賀謹呼應如雷

皇心謙抑不自聖拒而弗有尤謙撫頌聲洋溢八

坂微臣作歌愧菲才仰祝吾

皇聖壽億萬歲德業廣大功巍々德業廣大功巍々

贈醫士李士文

李君業醫兼業儒閉戶著方仍著書濟生利物不
求報人多感德交称譽嘗年賣藥吳門市相去吾
家無百里得興尤能日往還一幅風帆度烟水慚
予薄宦久辭家君亦移居住

京華春風二月城南陌尚得相尋看杏花

送道會歸西昌

西昌羽客初朝

天星冠雲披何翩翩上界從知有官府俗人謾說無
神仙三花已聚九還畢一炁長存萬劫先我欲攀留
倏然去鶴背玉笙凌紫烟

送教諭

囊書拂曉辭

京闕相見匆、又相別草色初黃剌北雲梅花漸
白江南雪殷勤沽酒送君行斷鴈西風千里情此
去莫言官署冷好將經術授諸生

贈醫士鄭德中

鄭君襟抱如陽春一廬賣藥

京華塵家無所蓄惟善藥六陳之外餘皆新製成
丸散及咬咀按方如法皆精真見人抱病不得瘥
痛苦有如同其身老人之老幼人幼切近不異骨
肉親不肯屑、迨勢利不肯蔑、輕孤貧一心治
療忘勞辛直待病已情方伸人多感德中謝忱鄭
君笑受尤欣、人多感德未及報再干再瀆良不
嗔吾知鄭君非常倫高誼直欲干青是宜乎姓名
傳縉紳誰言宋清之後無其人於戲誰言之後無
其人

怡壽堂為張指揮賦

將軍乃是留侯孫少年好武兼好文胸藏兵甲自
整、心懷道義常存、若翁不幸早歿落獨侍慈
親顏尚渥只今綠鬢正康強賸種忘憂長自樂慈
親所樂、有子、已成名與夫似願教世、樹功
勳豈但區、奉甘旨將軍年、海上行帆艣橫旗
旆明糧儲豐足寇盜息海波平帖軍民寧迓來
北京偶相見禮貌雍容情繾綣自言怡壽奉親堂
願得詞章發光炫慚予才短思茫然濡毫勉為成
詩篇他年太史書青簡定著將軍忠孝全

萬木圖歌為楊庶子

君不見寶十郎靈椿丹桂何芬芳又不見三槐王
子孫世顯必可望君家萬木不可當乃知令祖種
德心孔臧樂善行義於其鄉屢嘗發廩賙飢荒一
鄉之人無流亡鄉人感德心弗忘為公種樹家山
陽樹高應得千尺強願公之身壽而康樹材應得
成棟梁願公之後繁且昌種來不知今幾霜昂霄
聳壑森成行孫枝茂衍不可以數計但見漫山亘
嶺烟蒼々至今鄉之人蒙惠曷可量生為室廬死
棺槨隨教適用不取償

皇天報應何昭彰生君際遇當
明良功名足為親顯揚兩京

侍從登巖節職當輔導居春坊六卿劍履參翱翔
林壑因之重出色泉石自此增輝光我能為君染
彩翰調玄漿寫出君家之萬木混融元氣搜冥茫
蛟龍騫舉靄雲霧鳳凰飛舞鳴琳琅須臾展掛君
之堂祥風佳氣來四傍請君勿異吾言狂等閑莫
作畫畫張

君恩先德寓于此儼然如在其洋洋君當掃地更焚
香瞻對載拜十襲歲子孫百世存羹墻奇材大用
殊未央嗚呼奇材大用殊未央

友石先生詩集卷之二

友石先生詩集卷之三

送王仲理復任四川僉事

蜀道古云險
憐君久宦遊
一家渾八口
萬里只孤舟
雪滿岷山曉
霜飛峽樹秋
吏民懷舊德
去々莫遲留

送葉師應致仕歸建寧

十載塞垣外
一身戎馬間
拜官纔受賞
謝病却投閒
黃菊晚連徑
白雲秋滿山
趣多那可及
悵望送君還

題璠陽子手卷

璠陽高隱處
山色五湖中
路與煙濤隔
船從浦溆通
劍橫秋影碧
丹伏夜光紅
安得謝人事
從遊鶴背風

送呂太守之沁州

沁州汾水北
茲地我曾過
郡郭雲山繞
人家土屋多

民淳無獄訟時泰少徵科此去君為牧應聞五袴歌
送梁先生

賢郎告諫職定省惜相違到此未為久如何又欲歸
家園梨果熟溪市蟹螯肥京之付還便莫將音信稀
寄龐山人士南

為問龐居士年來安穩無高間唐陸羽清逸宗林逋
竹裏茶煙細梅邊鶴影孤逸名渾未許好句落江湖
夜宿黃牛峽

煙景暮蕭森黃牛峽轉深灘聲孤棹月山影半江陰
感慨追陳迹登臨愜壯心倚蓬眠未得何處又猿吟
送吳掾郎禮歸無錫省親

作掾邑三載兵曹典要機久能勤案牘今喜訪庭闈

沽酒鶯花晚行庖笋蕨肥故山無限好惆悵不同遊

題江村漁隱

釣舟隨處泊風颺一絲輕夕已潛踪迹那能識姓名
雨添春水潤山帶夕陽明獨有沙邊鳥片來共結盟
送王御史還松江

擬復烏臺任如何便乞還

特思憐母老多病許身間舊業松陵曲扁舟泖水間
吳眠應有夢衣綉甫朝班

送解大紀遊

北京

黃金臺下路曾是舊都城此去壯遊樂能忘遠別情
壚姬留客醉商大護車行登覽詩千首多應吊古成

送呂永明復任饒州司稅

與君同里閉遊宦異西東饒郡久司稅天官初考功
估平常課集貨聚遠人通自此應超擢休言秋未崇
野航

踪跡渾無定生涯一葉輕自應耽野趣無復重浮名
汀草斜陽晚鷗波細雨晴不因時賣卜那肯泊江城

送張知縣

作宰麻陽去民風雜五溪世傳盤瓠沒地接夜郎西
臆釀多藤酒春禽半竹鷄到官應不便莫惜寄緘題

送高負外省親歸毘陵

搯手纔相見論懷未忍遣我方遊

帝里君復訪庭闈曉日辭

丹陛春風戲綵衣應知到家後款別更依之

題橫舟卷為醫士許友恭賦

采藥芳洲遠放船心自閒朝隨漲潮去暮趁落潮還
鷗鳥斜陽外桃花流水間趣高人未識風景出塵寰

謝華樗林先生寄佳菊四枝

佳菊滿籬東朝未寄好風花連人共晚香與意兼濃
散之鶯肪白盈之鶴頂紅相看思欲賦寸拙句難工

病中雨夜二首

不眠孤燭在風雨送淒涼病骨秋加瘦羈愁夜併長

自應強飲食誰復問衣裳蟋蟀如相念時未啼近林
懷抱怕生愁病來難自由雨聲孤館夜人影一燈燵

書劍垂前志江湖憶舊遊無端身外事一上心頭

作平湖秋色圖題寄陸彥杞考功

近自吳門別而今已半年文游心固切霄壤豈難緣
宦况青雲表間身白鳥邊謾圖殊色去還肯憶林泉

題流杯別墅卷

曾聞高隱處風景似山陰曲澗通流水脩篁藹茂林
興來鶴且詠趣在古猶今此本吾家事曰君感慨深
製成鶴氅偶作

氅衣成野服飄逸類黃冠雪素輕猿貉風袪散羽翰
不嫌過膝短正喜著身寬見影心猶稱時披月下看

寄章采芝

只說暫遠去如何竟不來莫非多契合漫是久徘徊
咲傲風前榻歌停月下杯却憂鱸正美歸興又將催

寄包徵士公愷

愛尔閑情好林堂白晝長楷書臨小晉近體學中唐
水時一池芙蓉園栽十畝桑不知籬下菊殊後肯分香

憎蚊

纔暝便翳之憑陵若騁能微軀不自愛利口向人騰
座客勞揮扇書生罷炙燈殊風來旦夕知爾不須憎
宿維揚

淮海風流地狂遊記往年飄零重過此懷抱捲非前
囊橐唯孤劍妻孥共一船故鄉回首望烟樹渺江天

題自怡軒

才非世所宜歛迹且棲遲口獨與心語人皆莫已知
落花啼鳥處臨水看雲時此趣古今在誰云不自怡

雪夜與鄉人旅邸中酌

客舍雖寒落清樽喜對傾偶同今夕醉忘却異鄉情
炭熾寒猶在燈殘雪更明獨憐分手去一騎上邊城

代州道中

堪嘆復堪嗟行之路轉賒稍陰憂雨雪纔霽苦風沙
逆旅人欺客征途犬護車不知緣底事淪落向天涯
南歸沁州道中曉行

冒曉促歸程嵐霏是沁城路隨流水去入亂山行
澗底春冰滑厓陰凍雪明鶯花南國近深慰客途情
喜家兄以中自滇南歸用朱公孟韻

弟兄無幾人舊業且容身共歎久行役應知多險辛
囊資詩卷在鏡影鬢絲新得遂歸來志琴樽日可

題雲山樓閣圖

煙霞知幾重樓觀羽人宮路向嶺頭過船從溪口通
枯藤懸絕壁古磴夾高松安得投身去長吟鶴背風

題漁樂圖

釣罷得魚解舟維野店邊間同三兩伴盡醉百千錢
弄笛船頭坐枕簑蓬底眠煙波隨處好身世拖悠然
兩夜過邨氏溪東別業

溪口輜維舟敲門噴見投雨來山郭夜木落野塘秋
寢閣香猶在行庖火尚留主翁情意厚樽酒更綢繆

題老圃卷

柴榆宜晚境築圃近茅堂鑿沼分流水編籬補壞墻
雨晴瓜蔓綠風暖菜花香客過饗鷄黍村醪剪韭嘗

韓蒙菴先生同留夏雪洲館中韓以詩留別遂
次韻

閑身江海上市事每嫌聽吟藁逢人論扁舟到處傳
雪銷新水綠雲盡遠峯青何事思歸早潮生未滿汀
寄邵希遠校書兼簡外行東屏

萍踪俱是客書館喜相隣來往無多路分違又一旬
酒應端午醉囊似去年負煩語賢東道池魚好餉賓
代雪洲端陽招客

佳節逢端午葵榴照眼新君雖非飲客我豈獨醒人
綵索寧須繫蒲樽正可親高情如不棄林下望車塵
病中述懷二首

卧病得休暇捉搦百念非任真招物議隨俗與心違

露草乱蟲響雲霄一鶴飛

君息知未報何敢道志歸

問年才五九底事便奄奄壯志逐時滅新愁與病添
日晡思啖粥風冷怕鈎簾有客來看命猶談蔗境甜
送王檢討使朝鮮

秉節赴朝鮮

息玉殿前華夷寧有間雨露自無偏駟騎經遼地雲
帆拂海天遠人迎拜處應識使君賢

病後寄同志

少小頗知學老來何足論自慚書翰力難吞

聖君恩一病較纔好兩眸看漸昏客囊無舊物唯喜

短檠存

寄沈徵士

東陽沈徵士於我久相疎間別已三載往來無一書
情懷終自若容鬢近何如遙想諸郎好家庭樂有餘
贈蔣御醫用文

醫名追扁鵲傳派自長桑屢見迴生効多藏經
進方竹深通藥透花外掩丹房脩合常供
御衣彩襲異香

送宏上人住保寧寺

別來忘歲月相見又飄然去住渾無着行藏只任緣
故山唯落木廢刹鎖荒烟師去重開社香燈祝萬年
送魯府黃謙紀善歸莆田
送別秦淮上春潮沒淺沙寸心應戀

千里暫還家客路多芳草都門正落花徵書者又
近未必久煙霞

送人歸省

送別念親闈

君恩獨賜歸鄉闈經月到烟水片帆飛梁稻歲初熟
蟹螯秋正肥遙知調膳處深服映春輝

送懷益州長老之四明

懷公方外士去住兩翛然有相皆成幻無心即是禪
鍾聲山寺月杯影海門煙為續祖燈去能忘應世緣
送章秀才歸松江

挾策來

京國經年未一官籍名通秘閣僦屋住長安身病憐

親老妻亡念子寒
恩教暫歸去不是學張翰

挽吳母

令子居郎署慈親白髮垂每聞期就養誰料遽成悲
太史書阡表名卿集挽辭獨憐斜日裏無復倚門時
送鄭州同知

考績上銓衡三年喜政成郡人多頌德朝士半知名
落日孤城遠秋風疋馬行遙知溱洧上父老久相迎

中秋對月追憶去年諸公遂有存沒升沉之感
因成近體一首

中秋已過半芳樽誰共親可憐今夜月空憶去年人
行頭蕉間鹿存亡草上塵揮杯勸孤影只合伴閒身

寄蔡景類

始因從宦出先世福州人踪跡久居楚語音猶帶閩
田廬依婦族圖繪贈交親千里聊相問身安莫厭貧

寄劉士俊

劉郎醫術好夙契已逢仙製藥少人見秘方多祖傳
家貧雖寂寞客至即留連壯載不相見令人思惘然
寄徐伯玉

每懷徐孺子寨落共誰親早歲應多疾衰年又復貧
苔痕封古巷松影過比隣獨喜添丁好傳家幸有人

寄徐九鼎

氏族南州派遺風亦好潛幽居隣陸利清藝祖蒙恬
地近傍城角花深露屋尖年來怕徵起踪跡隱魚鹽

寄潘子安

潘郎豪且逸佐郡上瞿塘縱酒宦情薄耽詩野興狂
才名雖籍甚家業已荒涼聞說喬公女鴛鴦鎖洞房
寄孫景昭

每愛孫公子風情不可禁留賓開博具呼妓合胡琴
杯泛忘形酒囊存異笑金別來嗟已久綠鬢雪應侵
中秋醮集分韻得青字

秋半露初白月高天更青相逢如此夜不飲若為醒
急管奏清響長筵列廣庭百年能幾會杯到莫留停

題源隱

風景似仙家山厨飯熟麻恐人知姓字避地隔烟霞
流水一溪兩種桃千樹花莫教漁父識出向世間誇

贈陳司倉廷玉

司倉雖小職

京國掌軍儲

天近委

朝見官閒如隱居秋風三畝宅春雨一園蔬
尺須相遇毋煩重致書

送張邦達之四會

送君之四會接境近番禺夷僚居相雜炎涼候頗殊
時清銷瘴癘地廣闢膏腴政績三年後應知德化孚

送王生還錢塘迎養

親老當迎養江帆去路賒故鄉翻是客
上國久移家慈竹添新筍春萱着晚花到來應倍喜

甘旨樂繁華

送楊教授之邵武

教鐸之闈郡諸生待琢磨莫言居職冷應見育材多
晚棹接孤驛春衣換夾羅去途經浙水舊業喜相過
送黃仲遜之安平鎮廵檢

翠說安平鎮荆湖當要關瀟湘合二水衡霍拱千山
地僻居民少時清邏卒閒遙知到官後多在醉吟間
挽菊在金德厚先生

別去兩經春寄來書更頻只期重握手寧料永傷神
祿養悲賢子情親泣故人遙憐籬下菊今歲為誰新
雪夜訖師留宿戲贈

自笑年将老無由斷愛憎閉門辭俗客下榻待吟僧

茶煮春冰溜梅橫雪夜燈要能同此趣

京國許誰曾

寄匡世德

匡君一別久踪跡近誰後囊盡風流在年高故舊稀
浩歌邀月上獨立看雲飛只歎階庭下無人戲綵衣
題臨清書室

君家舊文獻世業喜聯芳書積數千卷門開半畝塘
天光朝鑑滿燈影夜牕涼未許終嘉遯還應入
帝鄉

深靜軒為雲石長老賦蓋取杜少陵竹深留客
處荷靜納涼時之句以扁其軒云

何處可追游茲軒景最幽穿林開小徑鑿地引清流

竹色明書幌，荷香散茗甌。高僧尤好客，欲別更遲留。
贈陳景中昆仲題所畫竹上

到

京今六載衰病獨榮，在客誰知己。惟君弟與兄，經
過常饋藥。慰問每留情，持此豈云報。相期歲晚盟

暇日讀楞嚴經偶成

勞生何擾，衰鬢已蕭々。偶得楞嚴讀，都將世慮清。
水流虛谷靜，雲度碧天遙。獨坐忘言久，西山對寂寥。

初度

此日逢初度，長年客

帝鄉兩京川

扈後四海共安康。振珮趨青瑣，濡毫向玉堂。不須稱

壽者歌，此進瑤觴。

濟寧分水閘訪鄉人王大使

自說到官久，往來多見臨。上堂詢旅况，對酒話鄉音。
日落郡城晚，河春閘水深。南歸應有待，停棹擬重尋。

東昌與陳德耜夜別

匆匆客路邊，不得共留連。公館燈前酒，王程月下船。
孤城橫曠野，斷鴈落平川。別後重相憶，應知夜不眠。

和趙彥如先生中秋對月韻

秋半晚涼新，空庭迥絕塵。共看今夜月，况是故鄉人。
展席聊呼酒，烹魚應用尊。清光千萬里，隨處可相親。

送台州醫官裘訓科南歸

學業究岐黃，新除拜

寵光濟人唯用藥從宦不離鄉選勝登霞嶠尋真訪
石梁因知歸思趣不敢問竒方

賜椰瓢

炎方充貢物頌

賜出

金門外表匏瓜質中涵雨露恩香甘宜作果堅確可
刺尊銘刻湏珍襲留榮及子孫

挽李母其子玉大理副

閭里共稱賢中途喪所天教兒登顯仕抱志卒餘年
京國輿靈櫬橫山入墓阡銘文書琬琰尤足慰重泉
得家書

昨夜鄉人到家書喜見接展開三四讀添却萬千愁

舍弟貧依舊山妻病未瘳那堪諸幼稚日之望歸舟

友石先生詩集卷之三



此物乃... (The following text is mostly illegible due to the large watermark overlaid on the page.)